



護左都水使者光祿大夫臣向言所校中書晏

子十一篇臣向謹與長社尉臣叅校讐太史書

五篇臣向書一篇叅書十三篇凡中外書三十

篇為八百三十八章除復重二十二篇六百三

十八章定著八篇二百一十五章外書無有三

十六章中書無有七十一章中外皆有以相定

中書以天為芳又為備先為牛章為長如此類

者多謹破略楡皆已定以殺青書可繕寫晏子

名嬰謚平仲萊人萊者今東萊地也晏子博聞
彊記通于古今事齊靈公莊公景公以節儉力
行盡忠極諫道齊國君得以正行百姓得以附
親不用則退耕于野用則必不詘義不可脅以
邪白刃雖交胸終不受崔杼之劫諫齊君懸而
至順而刻及使諸侯莫能詘其辭其博通如此
蓋次管仲內能親親外能厚賢居相國之位受
萬鍾之祿故親戚待其祿而衣食五百餘家處

士待而舉火者亦甚衆晏子衣苴布之衣麋鹿
之裘駕敝車疲馬盡以祿給親戚朋友齊人以
此重之晏子蓋短其書六篇皆忠諫其君文

章可觀義理可法皆合六經之義又有復重文
辭頗異不敢遺失復列以爲一篇又有頗不合
經術似非晏子言疑後世辯士所爲者故亦不
敢失復以爲一篇凡八篇其六篇可常置旁御
觀謹第錄臣向昧死上

晏子列傳

吳縣潘氏鄭菴藏

晏平仲嬰者萊之夷維人也事齊靈公莊公景公以節儉力行重於齊既相齊食不重肉妾不衣帛其在朝君語及之即危言語不及之即危行國有道即順命無道即衡命以此三世顯名於諸侯越石父賢在縲紲中晏子出遭之塗解左驂贖之載歸弗謝入閨久之越石父請絕晏子懼然攝衣冠謝曰嬰雖不仁免子於厄何子

節儉向道盡
晏子

虛謔叙事歐
公誌文多用
此法

子之事多
矣而太史公
詳載此有深

情狀
宛然

求絕之速也。石父曰：不然。吾聞君子誦於不知已，而信於知己者，方吾在縲繼中，彼不知我也。夫子既以感寤而贖我，是知己。知己而無禮，固不如在縲繼之中。晏子於是延入為上客。晏子為齊相，出其御之妻從門間而窺其夫。其夫為相，御擁大蓋，策駟馬，意氣揚揚，甚自得也。既而歸，其妻請去。夫問其故，妻曰：晏子長不滿六尺，身相齊國，名顯諸侯。今者妾觀其出，志念深矣。

常有以自下者。今子長八尺，乃為人僕御，然子之意自以為足。妾是以求去也。其後夫自抑損。晏子怪而問之，御以實對。晏子薦以為大夫。

晏子春秋總評

楊升庵曰山韜述兵法多奇計申子數名寔韓
子及事情管子多謀略晏子危言行善順衡施
之後主正中其病其藥要在對病而已吾旣晏
子而觀其顯名當立誠不可及而孔明偏疾之
亦不識時務矣

又曰晏子春秋譚端說鋒與策士辨者相似

然不可謂非正也孔子論五諫曰吾從其被觀
其說苑及晏子春秋口載以祖而從不可緣數
蘊洵作諫論欲以管晏之緒而行逢平之心是
或一道也如當時被諫之妙唯晏子得之可
馬上林之旨惟楊子校獵得之並樂不朽

又曰易曰謙亨君子有終晏子顯名天下而
意念常有以自下太史公稱之蓋其謙而有

終也若夫王莽之下白屋則又謙之賊矣

又曰鄭肅不入牛李之黨晏嬰不入崔杼之
黨易曰馬匹匹之子有馬

又曰淮南浮偽而多恢太玄多虛而可效法
言錯雜而無主新書繁文而鮮用獨晏子
春秋一時新散而功同補衮名曰春秋不
虛也

凡例

一晏子春秋舊本頗多濫觴以棟父偶于國
學中得劉向刪定善本凡有意義重複另為
細字即附著各章下以便讀者



一晏子春秋內篇止六卷其不合經術者另
以細字分為外篇善本如是今仍之
一批評句法章法佳者用○文采者用、古

勁質雅者用。章內小截者用。

一博雅自六經外侈談子史子首老莊管晏
申韓六家之指同出于道各有本領老氏以
清淨無為為主而漆園之要本歸之管氏牧
民山高乘馬輕重九府而晏子之若儉力行
繼之一以道一以術其比輔一也吾族道德
南華點枝俱得善本管子二得朱太復趙
定宇兩先生評行于世物晏子春秋尚自缺

然先君以棟甫端心鄴架既彙史漢兩評林
輯五車韻瑞法之而于晏子春秋復手加丹
鉛實有會心不肖童習之誠不恐秘隨付割
剝以公先人之志全四書之美使高明者讀
管氏因不沒晏子云

西吳凌澄初徹侯識

晏子春秋目

內篇

諫上

莊公

景公飲酒酣

景公飲酒數日而樂

景公飲酒醒

弦章諫

霖雨

晏子朝

燕賞

信用讒

翟王子羨

景公有男子五人

納女

景公疥且癰

景公疥逐疔

景公遊于麥丘

楚巫

齊大旱

景公將觀于淄上

景公遊于牛山

景公遊于公阜

景公飲酒樂 景公至

自畋 齊有慧星

景公遊于寒塗

景公賞賜及後宮

雨雪三日

熒惑

伐宋

景公畋于罾梁

景公射鳥 景公好弋

使圉人

諫下

藉重獄多

愛槐

樹竹 景公登箒室

令兵

晏子使魯

為長康

築路寢之臺

游獵

獵休

出獵

為臺

爲履

景公問晏子

爲西曲潢

爲巨冠

晏子朝

登寢

景公與晏子立田潢之上

成路寢之臺

景公宿于路寢之臺

嬖妾

梁丘據歿

公孫接

登射

問上

莊公問晏子

代晉

伐魯

伐麇

外傲諸侯

善治

先君桓公

莒與魯孰先亡

治國何患

治國之患

景公問晏子

古之盛君

謀事

蒞國治民

為君

不仁無義

君子常行

治國

明教

忠臣之事君

忠臣之行

俊臣之事君

君民

任人

先國

和民親下

聖人

取人

報君

臨國蒞民

為政

問下

出游

栢公善飲

栢公伯

廉政

臣道

人性

富民

安國

諸侯孰危

君子之行

聘吳

聘吳

晏子使吳仲尼論晏子事三君

見昭公

聘魯

聘魯

使晉

使晉

聘晉

齊國

正士

事君

世亂

高厚

嗇吝

君子

進退

榮

保身

上下

事三君

三君之心一

相常騫

雜上

飲酒

賜爵

崔杼既弑莊公

晏子為東阿宰

晏子治東阿宰三年

晏子與公立于曲潢之上

晏子論人

饑

登東門防

景公遊于壽宮

雀鷩

乞途

乘六馬

飲酒

朝寒

日暮

伐齊

伐魯

景公予魯地

遊紀

魯昭公棄國走齊

晏子使魯

晏子之魯

曾子將行

晏子之晉

晏子為齊相

泯子午

北郭騷

高糺 景公使高糺治家三年

高糺見逐

晏子居晏

雜下

靈公好婦人

穀擊

景公田于梧丘

景公為路寢之臺

景公問太卜

新成栢寢之室

景公病水

景公病疽

晏子使吳

晏子使楚

將至楚

楚王進橘

田相子侍

田完子見晏子

樂高

慶氏亡

公祿晏子

晏子相齊

晏子方食

晏子相齊

桓公子管仲狐與穀

景公賜晏子

景公欲更晏子之宅

景公更晏子宅

寡人欲朝夕見

請嫁

晏子朝 景公賜晏子狐白裘

晏子食脫粟之食

梁丘據謂晏子

晏子辭邑

晏子病

晏子鑿楹納書曰

外篇

仲尼之齊

景公上路寢

仲尼游齊

仲尼之齊

景公出田

仲尼相魯

景公問晏子

莊公闔門而圖

景公游于菑

晏子死

外篇

以下目重

仲尼之齊

景公上路寢

仲尼遊齊

仲尼之齊

景公出田

仲尼相魯

景公與晏子論極大極細

莊公闔門而圖莒

景公游于菑

晏子死


傳稱平仲立
朝君語及之
即危言觀其
首諫兩公真
危言也

晏子春秋卷一

內篇

諫上

莊公奮乎勇力。不顧于行義。勇力之士。無忌于國。貴戚不薦善。逼邇不引過。故晏子見公公。曰。古者亦有徒以勇力立于世者乎。晏子對曰。嬰聞之。輕死以行禮。謂之勇。誅暴不避彊。謂之力。故勇力之立也。以行其禮義也。湯武



長樂
振錄
西
諸
子
本

用兵而不爲逆、并國而不爲貪、仁義之理也。誅暴不避疆、替罪不避衆、勇力之行也。古之爲勇力者、行禮義也。今上無仁義之理、下無替罪誅暴之行、而徒以勇力立于世、則諸侯行之以國危、匹夫行之以家殘。昔夏之衰也、有推侈大戲、殷之衰也、有費仲惡來、足走千里、手裂兕虎、任之以力、凌轢天下、威戮無罪、崇尚勇力、不顧理義、是以桀紂以滅、殷夏以

登臺射服
此其明驗

衰。今公三〇証自奮乎勇力、不顧乎行義。勇力之士、無忌于國、身立威疆、行本淫暴、貴戚不薦善、逼邇不引過、反聖王之德、而循滅君之行、用此存者、嬰未聞有也。

景公飲酒酣、曰：今日願與諸大夫爲樂飲、請無爲禮。晏子蹴然改容曰：君之言過矣。羣臣固欲君之無禮也、力多足以勝其長、勇多足以弑君而禮不使也。證〇案禽獸矣。力爲政、疆者犯弱、

太宰知父公
之霸曰禮所
以觀忠信仁
義也無之豈
非禽獸

故曰易主。今君去禮，則是禽獸也。羣臣以力爲政，彊者犯弱，而日易主。君將安立矣。凡人之所以貴于禽獸者，以有禮也。故詩曰：人而無禮，胡不遄死。禮不可無也。公酒而不聽，少間，公出，晏子不起。公入，不起。交舉則先飲，公怒，色變，抑手疾視曰：嚮者夫子之教寡人無禮之不可也。寡人出入不起，交舉則先飲，禮也。晏子避席再拜，稽首而請曰：嬰敢與君言。

而忘之乎。臣以致無禮之實也。君若欲無禮，此是已。公曰：若是孤之罪也。夫子就席，寡人聞命矣。觴三行，遂罷酒。蓋是後也。飭法修禮，以治國政，而百姓肅也。

景公飲酒數日而樂，釋衣冠，自鼓缶，謂左右曰：仁人亦樂是夫。梁丘據對曰：仁人之耳目亦猶人也。夫奚爲獨不樂此也。公曰：趣駕迎晏子。晏子朝，以至受觴，再拜。公曰：寡人甚樂此樂，欲與夫子共之。請去禮。晏子對曰：君之言過矣。羣臣皆欲去禮以事君，嬰恐君子之不欲也。今齊國五尺之童子，力皆過嬰，又能勝君，然而不敢亂者，畏禮義也。上若無禮，無

舊本凡意重
文異者別載
外篇今附著
各章之下

以使其下下若無禮無以事其上夫麋鹿維無禮故父子同鹿人之所貴以於禽獸者以有禮也嬰聞之人君無禮無以臨其邦大夫無禮官吏不恭父子無禮其家必凶兄弟無禮不能久同詩曰人而無禮胡不遄死故禮不可去也公曰寡人不敏無良左右淫蠱寡人以至于此請殺之晏子曰左右何罪君若無禮則好禮者去無禮者至君若好禮則有禮者至無禮者去公曰善請易衣革冠更受膳再拜告饜而出公下拜送之門反命撒酒去樂曰吾以彰晏子之教也

景公飲酒醒三日而後發晏子見曰君病酒乎公曰然晏子曰古之飲酒也足以通氣合好

兩諫飲酒
此以法言
下以譏諷
各尽其妙

而已矣故男不羣樂以妨事女不羣樂以妨功男女羣樂者周觴五獻過之者誅君身服之故外無怨治內無亂行今日飲酒而三日寢之國治怒乎外左右亂乎內以刑罰自防者勸乎為非以賞譽自勸者惰乎為善上離德行民輕賞罰失所以為國矣願君節之也

景公飲酒七日七夜不止弦章諫曰君欲飲酒

七日七夜、章願君廢酒也、不然、章賜歿、晏子入見、公曰、章諫吾曰、願君之廢酒也、不然、章賜歿、如是而聽之、則臣爲制也、不聽、又愛其歿、晏子曰、幸矣、章遇君也、今章遇桀紂者、章歿久矣、于是公遂廢酒、

景公之時、霖雨十有七日、公飲酒、日夜相繼、晏子請發粟于民、三請不見許、公命相遽巡國、致能歌者、晏子聞之不說、遂分家粟于氓、致

敘述
懇至

任器于陌、徒行見公、曰、十有七日矣、懷寶鄉、有數十、飢氓里有數家、百姓老弱、凍寒、不得短褐、飢餓、不得糟糠、敝撤無走、四顧無告、而君不卹、日夜飲酒、令國致樂不已、馬食府粟、狗饜芻豢、三保之妾俱足、梁肉狗馬、保妾不已、厚乎民、氓百姓不亦薄乎、故里窮而無告、無樂有上矣、飢餓而無告、無樂有君矣、嬰奉數之筴、以隨百官之吏、民飢餓窮約而無告、

使上淫酒失本而不卹嬰之罪大矣再拜稽首請身而去遂走而出公從之兼于塗而不能逮令趨駕追晏子其家不及粟米盡于氓任器存于陌公駭及之康內公下車從晏子曰寡人有罪夫子倍棄不援寡人不足以有約也夫子不顧社稷百姓乎願夫子之幸存寡人寡人請本齊國之粟米財貨委之百姓多寡輕重惟夫子之令遂拜于途晏子乃返

任界
甚當

命稟巡氓家有布縷之本而絕食者使有終月之委絕本之家使有暮年之食無委積之氓與之薪燎使足以畢霖雨令栢巡民家室不能禦者予之金巡求氓寡用財乏者處三日而畢後者若不用令之罪公出舍損肉撤酒馬不食府粟狗不食飢肉辟拂噉齊酒徒減賜三日吏告畢上貧氓萬七千家用粟九十七萬鐘薪燎萬三千乘懷寶二千七百家

按景公時與
象會於夷只
兩諸所奏無
非夷狄之樂
齊音已無不
該矣

前言禮不可
無此言樂不
可緩平仲不
獨明於治理
更深推紀樂
者耶

用金三千、公然後就內退食、琴瑟不張、鐘鼓
不陳、晏子請左右與可令歌舞、足以留思、虞
者退之、辟拂三千、謝于下陳、人待三、士侍四、
出之關外也。

晏子朝杜局望羊待于朝、晏子曰、君奚故不朝、
對曰、君夜發不可以、晏子曰、何故、對曰、梁丘
據局入歌、人虞變齊音、晏子退朝、命宗祝修
禮而拘虞、公聞之而怒曰、何故而拘虞、晏子

曰、以新樂淫君、公曰、諸侯之事、百官之政、寡
人願以請子、酒醴之味、金石之聲、願夫子無
與焉、夫樂何夫必攻哉、對曰、夫樂亡而禮從
之、禮亡而政從之、政亡而國從之、國衰臣懼、
君之逆政之行、有歌紂作北里幽厲之聲、顧
夫淫以鄙而偕亡、君奚輕變夫故哉、公曰不
幸有社稷之業、不擇言而出之、請受命矣、

景公燕賞于國內、萬鍾者三、千鍾者五、令三出

而職計莫之從。公怒，令免職計。令三出而士師莫之從。公不說。晏子見公，謂晏子曰：寡人聞君國者，愛人則能利之，惡人則能疏之。今寡人愛人不能利，惡人不能疏，失君道矣。晏子曰：嬰聞之，君正臣從，謂之順；君僻臣從，謂之逆。今君賞讒諛之民，而令吏必從，則是使君失其道，臣失其守也。先王之立愛以勸善也，其立惡以禁暴也。昔者三代之興也，利于

一正一反
大旨了然

國者愛之，害于國者惡之，故明所愛而賢良衆，明所惡而邪僻滅，是以天下治平，百姓和集。及其衰也，行安簡易，身安逸樂，順于已者愛之，逆于已者惡之，故明所愛而邪僻繁，明所惡而賢良滅，離散百姓，危覆社稷。君上不度聖王之典，而下不觀情君之衰，臣懼君之逆政之行，有司不敢爭，以覆社稷，危宗廟。公曰：寡人不知也，請從士師之策。國內之祿所

收者三也。

景公信用讒佞。賞無功。罰不辜。晏子諫曰。臣聞明君望聖人而信其教。不聞聽讒佞以誅賞。今與左右相悅頌也。曰比。歿者勉爲樂乎。吾安能爲仁而愈黷民耳矣。故內寵之妾。迫奪于國外寵之臣。矯奪于鄙執灑之吏。並荷百姓。民愁苦。約病而姦。驅尤佚。隱情奄惡。蔽諂其上。故雖有至聖大賢。豈能勝若讒哉。是以

去返之速

所謂光鏡

而作不俟

終日

忠臣之常有災傷也。臣聞古者之士。可與得之。不可與失之。可與進之。不可與退之。臣請逃之矣。遂鞭馬而出。公使韓子休追之。曰。狐不仁。不能順教。以至此極。夫子休國焉而往。寡人將從而後。晏子遂鞭馬而返。其僕曰。嚮之。去何速。今之返。又何速。晏子曰。非子之所知也。公之言至矣。

翟王子羨臣于景公。以重駕。公觀之。而不說也。

慷慨而談
畧無矜忌

嬖人嬰子欲觀之。公曰。及。晏子寢病也。居囿中臺上以觀之。嬰子說之。因爲之請曰。厚祿之。公許諾。晏子起病而見公。公曰。翟王子羨之。駕寡人甚說之。請使之示乎。晏子曰。駕御之事。臣無職焉。公曰。寡人一樂之。是欲祿之以萬鍾。其足乎。對曰。昔衛士東野之駕也。公說之。嬰子不說。公曰。不說。遂不觀。今翟王子羨之。駕也。公不說。嬰子說。公因悅之。爲請。公

許之。則是婦人爲制也。且不樂治人。而樂治馬。不厚祿賢人。而厚祿御夫。昔者先君桓公之地狹于今。修法治。廣政教。以霸諸侯。今君一諸侯無能親也。歲凶年饑。道途死者相望也。君不此憂恥。而惟圖耳目之樂。不修先君之功烈。而惟飾駕御之伎。則公不顧民而忘國甚矣。且詩曰。載駟載駟。君子所誠。夫駕八固非制也。今又重此。其爲非制也。不滋甚乎。

渾、有不
竭之托

且君苟美樂之。國必衆爲之。田獵則不便。道
行致遠則不可。然而用馬數倍。此非御下之
道也。淫于耳目。不當民務。此聖王之所禁也。
君苟美樂之。諸侯必或效我君。無厚德善政。
以被諸侯。而易之以僻。此非所以子民彰名。
致遠親隣國之道也。且賢良廢滅。孤寡不振。
而聽嬖妾以祿御夫。以蓄怨與民。爲讐之道
也。詩曰。哲夫成城。哲婦傾城。今君不思成城。

之求。而惟傾城之務。國之亡日至矣。君其圖
之。公曰善。遂不復觀。乃罷歸翟王子羨。而疏
嬖人嬰子。

通寫

景公有男子五人。所使傳之者。皆有車百乘者
也。晏子爲一焉。公召其傳。曰。勉之。將以而所
傳爲子。及晏子。晏子辭曰。君命其臣據其肩。
以盡其力。臣敢不勉乎。今有之家。此一國之
權臣也。人人以君命命之。曰。將以而所傳爲

及然之勢
及於之理

晉獻公欲廢太子申生使將下軍以伐霍士為諫曰太子國之棟也棟成以制之不亦危乎景公不知有此而半仲反復無非國有長君社稷之福之意

子此離樹別黨傾國之道也嬰不敢受命顧君圖之

淳于人納女于景公生孺子荼景公愛之諸臣謀欲廢公子陽生而立荼公以告晏子晏子曰不可夫以賤匹貴國之害也置大立少亂之本也夫陽生而長國人戴之君其勿易夫服位有等故賤不陵貴立子有禮故孽不亂宗願君教荼以禮而勿陷于邪導之以義而

○章○法○

勿湛于利長少行其道宗孽得其倫夫陽生敢毋使荼饜梁肉之味玩金石之聲而有患乎廢長立少不可以教下尊孽卑宗不可以利所愛長少無等宗孽無別是設賊樹姦之本也君其圖之古之明君非不知繁樂也以為樂淫則衰非不知立愛也以為義失則憂是故制樂以節立子以道若夫恃讒諛以事君者不足以責信今君用讒人之謀聽亂夫

之言也。廢長立少，臣恐後人之有因君之過，以資其邪。廢少而立長，以成其利者，君其圖之。公不聽。景公沒，田氏殺君荼，立陽生，殺陽生，殺簡公而取齊國。

景公疥且瘡，暮年不已，召會譴梁丘據。晏子而問焉，曰：寡人之病病矣，使史固與祝佗巡山川宗廟，犧牲珪璧，莫不備具，數其常多。先君桓公、桓公一則，寡人再病不已，滋甚，予欲殺

二子者，以說于上帝，其可乎？會譴梁丘據曰：可。晏子不對。公曰：晏子何如？晏子曰：君以祝爲有益乎？公曰：然。若以爲有益，則詛亦有損也。君疏輔而遠拂忠，臣擁塞諫言不出，臣聞之。近臣嘿，遠臣瘖，衆口鑠金。今自聊攝以東，姑尤以西者，此其人民衆矣。百姓之咎，怨誹謗，詛君于上帝者多矣。一國詛，兩人祝，雖善祝者不能勝也。且夫祝直言情，則謗吾君也。

寓規於諷
意味悠長

隱○匿○過○則○欺○上○帝○也○。上○帝○神○則○不○可○欺○。上○帝
不○神○。祝○亦○無○益○。願○君○察○之○也○。不○然○刑○無○罪○。夏
商○所○以○滅○也○。公○曰○善○。解○子○惑○。加○冠○命○會○。譴○毋
治○齊○國○之○政○。梁○丘○據○毋○治○賓○客○之○事○。兼○屬○之
乎○。晏○子○辭○。不○得○命○。受○相○退○。把○政○改○月○。而
君○病○。悛○。公○曰○。昔○吾○先○君○桓○公○。以○管○子○爲○有○力○。
邑○狐○與○穀○。以○共○宗○廟○之○鮮○。賜○其○忠○臣○。則○是○多○
忠○臣○者○。子○今○忠○臣○也○。寡○人○請○賜○子○州○。欸○辭○曰○。
管○子○有○一○美○。嬰○不○如○也○。有○一○惡○。嬰○不○忍○爲○也○。
其○宗○廟○之○養○鮮○也○。終○辭○而○不○受○。

景公疥逐疢期而不瘳諸侯之賓問疾者多在梁丘據喬欸言於公曰吾事鬼神豐于先君有加矣今君疾病爲諸侯憂是祝史之罪也諸侯不知其謂我不敬君盍誅于祝固史器以辭賓公說告晏子晏子對曰日宋之盟屈建問范會之德於趙武趙武曰夫子家事治言于晉國竭情無私其祝史祭祀陳信不愧其家事無猜其祝史不祈建以語康王康王曰神人無怨宜夫子之光輔五君以爲諸主也公曰據與欸會寡人能事鬼神故欲誅于祝史子稱是語何故對曰若有德之君外內不廢上下無怨動無違事其祝史薦信無

巫咸之興
始於太戊
威於文成
五利其間
種種不可
勝論

誠有鄙民得罪于君則可、安有君得罪于民者乎、晏子諫曰、君過矣、彼疏者有罪、戚者治之、賤者有罪、貴者治之、君得罪于民、誰將治之、敢問桀紂、君誅乎、民誅乎、公曰、寡人固也、于是賜封人麥丘以為邑、

楚巫微導裔款以見景公、侍坐三日、景公說之、楚巫曰、公明神主之、帝王之君也、公即位有七年矣、事未大濟者、明神未至也、請致五帝

按桓公既
霸會諸侯
於葵丘欲
封禪夷吾

以明君德、景公再拜稽首、楚巫曰、請巡國郊以觀帝位、至于牛山、而不敢登、曰、五帝之位、在于國南、請齋而後登之、公命百官供齋具于楚巫之所、裔款視事、晏子聞之、而見于公曰、公令楚巫齋牛山乎、公曰然、致五帝以明寡人之惠、神將降福于寡人、其有所濟乎、晏子曰、君之言過矣、古之王者、德厚足以安世、行廣足以容眾、諸侯戴之以為君長、百姓歸

對以所記
者十有二
終觀桓公
之不可窮
以辭因設
之以事今
平仲則准
之以德矣

之以爲父母。是故天地四時。和而不失。星辰
日月。順而不亂。德厚行廣。配天象。昔然後爲
帝王之君。神明之主。古者不慢行而繁祭。不
輕身而恃巫。今政亂而行僻。而求五帝之其
德也。棄賢而用巫。而求帝王之在身也。夫民
不苟德。福不苟降。君之帝王。不亦難乎。惜夫
君位之高。所論之卑也。公曰。裔欵以楚巫命
寡人。曰。試嘗見而觀焉。寡人見而說之。信其

餘波

易感也。括子

言有技。葉
有詠。諧東
方生之對
武帝者。似
之

道行其言。今夫子譏之。請逐楚巫而拘裔欵。
晏子曰。楚巫不可出。公曰。何故。對曰。楚巫出
諸侯必或受之。公信之以過于內。不知出以
易諸侯于外。不仁。請東楚巫而拘裔欵。公曰。
諾。故曰。送楚巫于東。而拘裔欵于國也。

齊大旱。逾。昔。景公召羣臣。問曰。天不雨久矣。民
且有饑色。吾使人卜。云祟在高山廣水。寡人
欲少賦歛。以祠靈山。可乎。羣臣莫對。晏子進

恢諧中却
有至意

曰不可。祠此無益也。夫靈山固以石為身。以
草木為髮。天久不雨。髮將焦。身將熱。彼獨不
欲雨乎。祠之無益。公曰不然。吾欲祠河伯。可
乎。晏子曰不可。河伯以水為國。以魚鱉為民。
天久不雨。泉將下。百川竭。國將亡。民將滅矣。
彼獨不欲雨乎。祠之何益。景公曰。今為之奈
何。晏子曰。君誠避宮殿。暴露與靈山河伯共
憂。其幸而雨乎。于是景公出野。居暴露三日。

天果大雨。民盡得種。時景公曰。善哉。晏子之
言。可無用乎。其維有德。

景公將觀于淄上。與晏子閒立。公喟然歎曰。嗚

呼。使國可長保。而傳于子孫。豈不樂哉。晏子

伏后○章○悲○字

對曰。嬰聞明王不徒立。百姓不虛至。今君以
政亂國。以行棄民。久矣。而聲欲保之。不亦難
乎。嬰聞之。能長保國者。能終善者也。諸侯並
立。能終善者為長。列士並學。能終善者為師。

終善以保
國是一篇
要領中間
引証極公
猶為切當

昔先君桓公其方任賢而贊德之時亡國恃以存危國仰以安是以民樂其政而世高其德行遠征暴勞者不疾驅海內使朝天子而諸侯不怨當是時盛君之行不能進焉及其卒而衰怠于德而并于樂身溺于婦侍而謀因豎刁是以民苦其政而世非其行故身死乎胡宮而不舉蟲出而不收當是時也桀紂之卒不能惡焉詩曰靡不有初鮮克有終不

能終善者不遂其君今君臨民若寇讐見善若避熱亂政而危賢必逆于衆肆欲于民而誅虐于下恐及于身嬰之年老不能侍于君使矣行不能革則持節以沒世耳

景公遊于牛山北臨其國城而流涕曰若何滂滂去此而歿乎艾孔梁丘據皆從而泣晏子獨笑于旁公刷涕而顧晏子曰寡人今日游悲孔與據皆從寡人而涕泣子之獨笑何也

按崔杼弑
莊公丁丑
立莊公異
母弟杵臼
是為景公
不得有此
位而立也
可笑之原
寔惟於此

晏子對曰、使賢者常守之、則太公桓公將常
守之矣、使勇者常守之、則莊公靈公將常守
之矣、數君者將守之、則吾君安得此位而立
焉、以其迭處之迭去之、至于君也、而獨為之
流涕、是不仁也、不仁之君見一諂諛之臣見
二、此臣之所以獨竊笑也。

景公出遊于公阜北、面望睹齊國、曰、嗚呼、使古
而無死、何如、晏子曰、昔者上帝以人之沒為

善、仁者息焉、不仁者伏焉、若使古而無死、丁

公太公將有齊國、桓襄文武將皆相之、君將

戴笠衣褐、執錘耨、以蹲行、猷畝之中、孰暇患

死、公忿然作色、不說、無幾何、而梁丘據、御六

馬而來、公曰、是誰也、晏子曰、據也、公曰、何如、

曰、大暑而疾馳、甚者馬死、薄者馬傷、非據孰

敢為之、公曰、據與我和者、夫、晏子曰、此所謂

同也、所謂和者、君甘則臣酸、君淡則臣鹹、今

左更詳

采景公時
熒惑守心
公患之子
韋曰可移
相公曰
相之股
相曰可移
於民公曰

君者待民
曰移於歲
公曰歲饑
民困誰
為君子韋
曰天高聽
甲君有君
人之言三
熒惑望動
果徒三度

據也。甘君亦甘。所謂同也。安得為和。公忿然。
作色不悅。轉法無幾何日暮。公西面望。睹彗星。召
伯常騫使禳去之。晏子曰不可。此天教也。日
月之氣。風雨不愆。彗星之出。天為民之亂見
之。故詔之妖祥以戒不敬。今君若設文而受
諫。謁聖賢人。雖不去。彗星將自亡。今君嗜酒
而并于樂。政不飾而寬于小人。近讒好優。惡
文而疏聖賢人。何暇在彗。第又將見矣。公忿

然作色不悅。及晏子卒。公出背而立曰。嗚呼。
昔者從夫子而游。公阜夫子一日而三責我。
今誰責寡人哉。

景公飲酒樂。公曰古而無死。其樂若何。晏子
對曰古而無死。則古之樂也。君何得焉。昔爽
鳩氏始居此地。季荊因之。有逢伯陵因之。蒲
姑氏因之。而後太公因之。古若無死。爽鳩氏
之樂非君所願也。景公至自畋。晏子侍於
遄臺。梁丘據造焉。公曰維據與我和。夫晏子
對曰據亦同也。焉得為和。公曰和與同異乎。
對曰異。和如羹焉。水火醯醢鹽梅以烹魚肉。
燁之以薪宰夫和之。齊之以味。濟其不及。以
洩其過。君子食之以平其心。君臣亦然。君所

論和味因
及和樂
補未臨

謂可而有否焉、臣獻其否以成其可、君所謂
否而有可焉、臣獻其可以去其否、是以政平
而不干民無爭心、故詩曰、亦有和羹、既戒且
平、奏醑無言、時靡有爭、先王之濟五味、和五
聲也、以平其心、成其政也、聲亦如味、一氣二
體、三類四物、五聲六律、七音八風、九歌以相
成也、清濁小大、短長疾徐、哀樂剛柔、進速高
下、出入周流、以相濟也、君子聽之以平其心、
心平德和、故詩曰、德音不瑕、今據不然、君所
謂可、據亦曰可、君所謂否、據亦曰否、若以水
濟水、誰能食之、若琴瑟之專一、誰能聽之、同
之不可也、如是、公曰善、齊有彗星、景公使
祝禳之、晏子諫曰、無益也、祇取誣焉、天道不
諂、不貳其命、若之何禳之也、且天之有彗、以
除穢也、君無穢德、又何禳焉、若德之穢、禳之
何損、詩云、維此文王、小心翼翼、昭事上帝、聿

懷多福、厥德不回、以受方國、君無違德、方國
將至、何患于彗、詩曰、我無所監、夏后及商、用
亂之故、民卒汙亾、若德之回、亂民將
汙亾、祝史之爲、無能補也、公說乃止、

景公出遊于寒塗、睹死齒、默然不問、晏子諫曰、
昔吾先君桓公出遊、睹饑者與之食、睹疾者
與之財、使令不勞力、籍歛不費民、先君將遊、
百姓皆悅曰、君當幸遊吾鄉乎、今君遊于寒
塗、據四十里之氓、殫財不足以奉歛、盡力不
能周、役民氓饑寒凍餒、死齒相望、而君不問、

失君道矣、財屈力竭、下無以親、上驕泰奢侈、上無以親、下上下下交離、君臣無親、此三代之所以衰也、今君行之嬰、懼公族之危、以為異姓之福也、公曰然、為上而忘下、厚藉歛而忘民、吾罪大矣、于是歛歿、發粟于民、據四十里之氓、不服政、其年、公三月不出遊、

景公賞賜及後宮、文繡被臺榭、菽粟食鳧鴈、出而見殮、謂晏子曰、此何為而歿、晏子對曰、此餒而歿、公曰、嘻、寡人之無德也、甚矣、對曰、君之德著而歿、何為無德也、景公曰、何謂也、

對曰、君之德及後宮、與臺榭、君之玩物、衣以文繡、君之鳧鴈、食以菽粟、君之營內自樂、延及後宮之族、何為其無德、顧臣願有請于君、由君之意、自樂之心、推而與百姓同之、則何殮之有、君不推此、而苟營內好私、使財貨衝有所聚、菽粟幣帛、腐於囷府、惠不遍加于百姓、公心不周乎萬國、則桀紂之所以亡也、夫士民之所以叛、由偏之也、君如察臣嬰之言、推君之盛德、公布之于天下、則湯武可為也、一殮何足恤哉、

景公之時、雨雪三日而不霽、公被狐白之裘、坐

堂側陞、晏子入見、立有間、公曰、惟哉、雨雪三日而天不寒、晏子對曰、天不寒乎、公笑、晏子

取其結行
所善耳都
是日亦不
足矣

曰嬰聞古之賢君飽而知人之饑温而知人之寒逸而知人之勞今君不知也公曰善寡人聞命矣乃令出裘發粟與饑寒令所睹于塗者無問其鄉所睹于里者無問其家循國計數無言其名士既事者兼月疾者兼歲孔子聞之曰晏子能明其所欲景公能行其所善也

景公之時熒惑守于虛其年不去公異之召晏

飄、有凌
雲之氣

子而問曰吾聞之人行善者天賞之行不善者天殃之熒惑天罰也今留虛其孰當之晏子曰齊當之公不說曰天下大國十二皆曰諸侯齊獨何以當晏子曰虛齊野也且天之下殃固于富彊為善不用出政不行賢人使遠讒人反昌百姓疾怨自為祈祥錄錄彊食進歿何傷是以列舍無次變星有芒熒惑回逆孽星在旁有賢不用安得不亡公曰可去

乎對曰可致者可去不可致者不可去公曰寡人爲之若何對曰盍去冤聚之獄使反田矣散百官之財施之民矣振孤寡而敬老人矣夫若是者百惡可去何獨是孽乎公曰善行之三月而熒惑遷

景公舉兵將伐宋師過泰山公嘗見二丈夫立而怒其怒甚盛公恐覺辟門召占蓍者至公曰今夕吾嘗二丈夫立而怒不知其所言其

怒甚盛吾猶識其狀識其聲占蓍者曰師過泰山而不用事故泰山之神怒也請趨召祝史祠乎泰山則可公曰諾明日晏子朝見公告之如占蓍之言也公曰占蓍者之言曰師過泰山而不用事故泰山之神怒也今使人召祝史祠之晏子俯有聞對曰占蓍者不識也此非泰山之神是宋之先湯與伊尹也公疑以爲泰山神晏子曰公疑之則嬰請言湯

應識其狀
識其教妙
得神道設
教之方

伊尹之狀也。湯質皙而長顏，以髯，兗上豐，下倨身而揚聲。公曰：「然是已。」伊尹黑而短蓬，而髯豐，下兗上，僂身而下聲。公曰：「然是已。」今若何？晏子曰：「夫湯太甲武丁祖乙天下之盛君也，不宜無後。今惟宋耳，而公伐之，故湯伊尹怒，請散師以平宋。景公不用，終伐宋。晏子曰：『伐無罪之國，以怒明神，不易行，以續蓄，進師以近過，非嬰所知也。』師若果進軍，必有殃。」

進再舍鼓毀將殪，公乃辭乎晏子，散師不果伐宋。

景公畋于罟梁，十有八日而不返。晏子自國往，見公比至，衣冠不正，不革衣冠。望游而馳，公望見晏子，下而急帶，曰：「夫子何為遽？國家無有故乎？」晏子對曰：「不亦急也。雖然，嬰願有復也。國人皆以君為安野而不敢，國好獸而惡民，毋乃不可乎？」公曰：「何哉？吾為夫婦獄訟之。」

不正乎則泰士子牛存矣爲社稷宗廟之不
享乎則泰祝子游存矣爲諸侯賓客莫之應
乎則行人子羽存矣爲田野之不辟倉庫之
不實則申田存焉爲國家之有餘不足聘乎
則吾子存矣寡人之有五子猶心之有四支
心有四支故心得佚焉今寡人有五子故寡
人得佚焉豈不可哉晏子對曰嬰聞之與君
言異若乃心之有四支而心得佚焉可得令

一及便成

絕詞

四○支○無○心○十○有○八○日○不○亦○久○乎○公○于○是○罷○畋
而歸

易曰失前

禽邑人不

賊此顯比

景象也求

此於春秋

時固難於

景公為尤

難

景公射鳥野人駭之公怒令吏誅之晏子曰野
人不知也臣聞賞無功謂之亂罪不知謂之
虐兩者先王之禁也以飛鳥犯先王之禁不
可今君不明先王之制而無仁義之心是以
從欲而輕誅夫鳥獸固人之養也野人駭之
不亦宜乎公曰善自今已後弛鳥獸之禁無

以苛民也

景公使圉人養所愛馬，暴死，公怒，令人操刀解養馬者。是時晏子侍前，左右執刀而進，晏子止而問于公曰：「堯舜支解人，從何脛始？」公矍然曰：「從寡人始。」遂不支解。公曰：「以屬獄。」晏子曰：「此不知其罪而死，臣爲君數之，使知其罪，然後致之獄。」公曰：「可。」晏子數之曰：「爾罪有三。公使汝養馬而殺之，當死罪一也。又殺公之

所最善馬，當死罪二也。使公以一馬之故而殺人，百姓聞之，必怨吾君；諸侯聞之，必輕吾國。汝殺公馬，使怨積于百姓，兵弱于隣國。汝當死罪三也。今以屬獄，公喟然嘆曰：「夫子釋之，夫子釋之，勿傷吾仁也。」

景公好弋，使燭鄒主鳥而亡之，公怒，詔吏殺之。晏子曰：「燭鄒有罪三，請數之。」以其罪而殺之。公曰：「可。」於是召而數之。公前曰：「燭鄒，汝爲吾君主鳥而亡之，是罪一也。使吾君以鳥之故殺人，是罪二也。使諸侯聞之，以吾君重鳥以輕士，是罪三也。」數燭鄒罪畢，請殺之。公曰：

武帝時有殺上林鹿者，下有司殺之，東方朔在旁曰：「是固當死者。」三使陛下以鹿殺人，一當死，天下聞陛下重鹿殺人，二當死，白奴有急以鹿觸之三當死，帝默然赦之，古人諷諫往類此。

勿殺寡人
聞命矣

